



P R E D L O G

**Platforma za učešće ministra ekologije, održivog razvoja i razvoja sjevera
Damjana Ćulafića na konferenciji „Klimatske promjene i zelena tranzicija –
regionalna suradnja u okviru Zelene agende Zapadnog Balkana”**

**18. avgust 2026. godine,
Sarajevo, Bosna i Hercegovina**

I) UVOD

Na poziv predsjednika Zelenog kluba Predstavničkog Doma Parlamentarne Skupštine Bosne i Hercegovine, Saše Magazinovića i direktora Sarajevo Film Festivala Jovana Marjanovića delegacija Ministarstva ekologije, održivog razvoja i razvoja sjevera, predvođena ministrom Damjanom Ćulafićem učestvovaće na konferenciji „Klimatske promjene i zelena tranzicija – regionalna suradnja u okviru Zelene agende Zapadnog Balkana” 18. avgust 2026. godine, Sarajevo, Bosna i Hercegovina.

Konferenciju „Klimatske promjene i zelena tranzicija – regionalna suradnja u okviru Zelene agende Zapadnog Balkana” zajednički organizuju Sarajevo Film Festival i Zeleni klub u Bosni i Hercegovini, uz podršku Razvojnog programa Ujedinjenih nacija (UNDP). Konferencija će se održati u zgradi Parlamentarne skupštine Bosne i Hercegovine u Sarajevu.

CILJEVI I ZNAČAJ POSJETE

Učešćem na konferenciji „Klimatske promjene i zelena tranzicija – regionalna suradnja u okviru Zelene agende Zapadnog Balkana”, delegacija će doprinijeti unapređenju bilateralnih odnosa sa Bosnom i Hercegovinom u oblasti zaštite životne sredine, održivog razvoja i klimatskih politika, kao i jačanju institucionalne saradnje između nadležnih organa dvije države.

Konferencija se organizuje sa ciljem da ponudi platformu za članove parlamenata iz regiona za buduće umrežavanje, razmjenu iskustava i jačanje kapaciteta s ciljem podrške sprovođenju Zelene agende za Zapadni Balkan. Ujedno predstavlja i priliku da se, u kontekstu održavanja Sarajevo Film Festivala kao jednog od najznačajnijih kulturnih događaja u regionu i uz prisustvo, pored ostalih, članova parlamenata i zelenih parlamentarnih grupa iz regiona, eksperata, akademske zajednice, civilnog društva, predstavnika međunarodnih organizacija, ukaže na posljedice evidentnih klimatskih promjena i njihov uticaj na zajedničku budućnost. Ovo je ujedno i mogućnost za širi angažman na podizanju svijesti i odgovornosti po pitanju zaštite životne sredine, kao i unapređenje regionalne saradnje. Takođe, konferencija će poslužiti kao forum za razmatranje potrebe za unapređenjem koordinacije, kao i za donošenje i efikasno sprovođenje odgovarajućeg zakonodavnog okvira i strateških dokumenata neophodnih za ostvarivanje definisanih ciljeva.

II) PREDLOG SASTAVA DELEGACIJE

Delegaciju Ministarstva ekologije, održivog razvoja i razvoja sjevera čine:

- Damjan Ćulafić, ministar ekologije, održivog razvoja i razvoja sjevera, šef delegacije,
- Sandra Nikolić, šefica biroa za odnose sa javnošću u Ministarstvu ekologije, održivog razvoja i razvoja sjevera, članica.

III) OCJENA POTREBNIH FINANSIJSKIH SREDSTAVA

Troškove puta delegacije snosi Ministarstvo ekologije, održivog razvoja i razvoja sjevera, dok troškove smještaja snosi organizator konferencije.